



**D. D. Emanuelis Gonzalez Tellez, In Inclyta Salmanticensi
Academia Collegii Majoris Conchensis Alumni, &
antiquioris vespertinæ Sacrorum Canonum Cathedræ
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Tertium

González Téllez, Emanuel

Francofurti Ad Moenum, 1690

Caput XVI. Idem (a) Marsilien. Episcopo.

[urn:nbn:de:hbz:466:1-74526](#)

*cap. ad decimas, dicitur, fol. lib. 6. ibi: Nisi evidenter docuerit. Resistit enim illius commune, & favet spoliatori; siquidem presumunt, post divisionem parochiarum ad ipsos parochos tantum pertinere. Covaruvias dicto capite 17. num. 6. Barbola dicto cap. 28. de offic. Parochi, §. 2. num. 43: quæ doctrina procedit in laico possidente decimas virtute privilegii, & à parroco spoliato: sed si ipse spoliatus sit ab alio laico, & intendat interdictum unde vi, ante omnia est restituendus, juxta juris communis regulas, ut docet Menchaca *suffrag. cap. 89. num. 5.* Etiam proceditur in his causis appellazione remotâ, *cap. tua, 26. hoc titul. Salgado de regia protectione, 3. p. cap. 2. num. 63.* Quæ sententia probatur ex eo nam in tributis Imperatori solvendis non admittitur appellatio, *l. abstinentia, l. finali, Cod. quorum appellat, sed decime sunt tributa debita Principi cœlesti, cap. decime 66. 16, quest. 1. cap. tua, hoc titulus: igitur similiter in appellacioni locus non est.* Accedit, nam decimæ assignantur parochis pro alimentis, *cap. decimas, cap. 9. in fine.**

C A P U T X V.

Idem (a) Ambianensi Episcopo.

AD hanc donationem decimæ, quam Abbas sancti S. de (b) Monstrali cuidam loco concessit per successionem tenendam [quoniam sanctuarium de jure (c) hereditario possideri non deber] viribus carere decernas, & laicum [nisi decimam ipsam ipsi Ecclesia liberè resignaverit] vinculo excommunicationis adstringas.

N O T A E.

(a) **A**mbian.] Ita etiam legitur post Concilium Lateran. p. 50. cap. 28. & in prima collectione, *sub hoc tit. cap. 27.* ubi additur, pars cap. quoad Sedem, ut cognoscatur in præsenti referri secundam partem textus *in cap. 2. infra*, de frigid. & malef. De Ambian. Ecclesia nonnulla adduxi *in cap. 37. de rescript.*

(b) *De Monstrali.*] Monasterium hoc sancti Salucii Monstroliensis est prope urbem Monstrolium in Gallia, Ordinis D. Benedicti, ut referunt Mireus in *sua Gallia*, Chopinus de *sacra polit. lib. 1. tit. 4. num. 17.*

(c) *Hereditario.*] Ut latè probavi *in cap. 1. de prob. Commentarium* hujus textus dabimus *infra in cap. prohibemus.*

C A P U T X VI.

Idem (a) Marsilius. Episcopo.

DE terris, quæ Judæi colunt, tuæ prudentiae respondemus, ut eos ad decimas personandas vel possessiones penitus renunciandas, cum omni districione compellas, ne forte occasione illâ Ecclesia valeant suo jure fraudari.

N O T A E.

COMMENTARIUM.

(a) **M**arsilius.] Ita legitur in prima collectione, *sub hoc titulo, cap. 28.* ubi additur, pars capitis *Quia super his:* unde deducitur, in præsenti referri secundam partem textus *in cap. quia super his, de Judæis.* De Marsiliensi Ecclesia nonnulla notavi *in cap. 6. de his quæ vi.*

Circa obligationem solvendi decimas à Judæis, 2. vel infidelibus contraria videntur juris testimonia, varieque reperiuntur DD. sententiae; sed pro vera resolutione, & hujus textus expositione dicrimen est constituendum inter decimas personales, & prædiales, personales enim non solvunt, qui baptizati non sunt, *cap. ex transmissa, hoc titulo, docent Suarez dicto tract. de decim. cap. 16. nn. 4. Fagundez in 5. precept. Eccles. lib. 2. c. 1. n. 4. Ricciulus de*

D. D. Gonzal. in *Decretal.* Tom. III. Pars II.

Fff 2 de

de jure person. lib. 2. cap. 9. per rotum. Si enim decimas illa præstantur ratione sacramentorum, & infideles nulla accipiunt sacramenta, inde eas decimas solvere non tenentur. Accedit, nam obligatio solvendi decimas personales provenit a jure ecclesiastico ut dicemus infra in cap. in aliquibus. §. final. sed infideles præceptis Ecclesiæ non ligantur, juxta illud Apoſtoli 1. ad Corinθios cap. 5. *De his qui foris sunt quid ad nos.* Et cap. gaudemus, de divorciis: ergo non tenentur solvere decimas personales. Nec obstat, si dicas, Iudaos teneri præceptis juris divini; siquidem sub dominio, & potestate Dei sunt, ac proinde præceptis legis veteris de decimis solvendis eos obstringi. Nam respondet, præceptum decimatum in lege veteri non fuisset positum a Deo universis, sed solūm habitantibus terram Canaanorum: propter populum Iraëliticum, & Levitas; ac proinde eo præcepto non ligantur infideles, nec præcepto ecclesiastico, qui adhuc per baptismum januam Ecclesiæ non sunt ingredi. Unde infertur hereticos omnino teneri ad decimatum præstationem; quia per baptismum ad Ecclesiæ spectant, & ita apostolus ab hac obligatione eximi non valent, quia ex fide, quam in baptismo promiserunt, legibus Ecclesiæ obligati fuerunt. Circa prediales decimas certum est. Iudaos ceterosque infideles cogi eas præstare, cap. quantò, §. final. de sūr. cap. nimis, de excess. Prælat. Capital. Caroli Calvi anni 877. cap. 31. quod exponit Boſquetus ad Innocentium lib. 1. epist. 50. docent Azor, Vazquez, & Monega relati à Barboſa dicto cap. 28. Decime enim prædiales sunt onera ipsius prædii, & ab ipso prædio debentur; & ita prædia illa, quæ decimas pendebat antea, transiret cum suo onere, argumento textus in l. Imperatores, ff. de public. Unde infideles decimas solvere non tenentur, simpliciter loquendo; sed quatenus respiciunt onera realia prædiorum; & hac ratione Iudei, ceterique infideles obligantur ad solutionem decimarum, quoniam prædia ipsa habent inhaerentem obligationem decimarum, & tanquam onus reale ipsius rei, necesse est ut ad omnes transirent, etiam infideles, ad satisfaciendum Ecclesiæ interesse, ut in praesenti textu docetur, præcipue in illis verbis: *Ne forte illa occasione Ecclesia valeat suo iure fraudari.* Quæ verba supponunt ius Ecclesiæ ad decimas per solvendas in tali fundo fuisse acquisitum. Unde deducitur, doctrinam hanc procedere respectu prædiorum, quæ possident infideles in terris Christianorum, aut quæ eorum aliquando fuerunt; nam ex prædiis in propriis infidelium provinciis possessis decima non debentur ex eo, quod ecclesia in eis ratio juris quaſi Ecclesia ad decimas ex illis prædiis percipiendas: juxta quam distinctionem exponendum est textus in cap. finali, hoc sit. in 2. collect. ubi Clemens II. ita decretivit: [Ad audiētiā nostrā] te significante pervenit, quod cū

Judei cupiditate maxima, & damnabili parochiam Sancti Lauri pro parte magna occupaverint, adhuc residuum de die in dies occupate intendunt. Quia vero præcepta Sancti Lauri Ecclesia propter hoc magnam suorum bonorum jaſteram incurrit, dis. v. p. A. f. p. m. quatenus nisi Judei, qui in civitate Rothomagenium morantur, ad monitionem vestram, & decimas, & omnes prouentus alios, quos de parochianis fidelibus, si ibi habentur, conſeruentur, prædictæ Sancti Lauri Ecclesiæ, & aliis, quarum parochias detinent occupatas, annis singulis sufficienter, ac congrue recompensare curaverint, omnes Christi charactere insignitos, five virilis, five feminine sexus extiterint, qui Judei obsequium exhibere, aut mutuo aliquid ab eis accipere, aut restituere jam acceptum, venditiones, aut locaciones cum eis contrahere, seu quilibet alium contractum inire, vel eis Ave dicere, seu habere colloquium, nisi de sua correctione, vel in ex parte conversione alicere, ulli præsumptione tenterint, omni gratia, & timore postpositis, contradictione & appellatione ceſſante, anathematis vinculo adstringatis, cui etiam volumus sententia subjacerem quicunque, qui illis ad vestri elusum mandati consilium suum, five auxilium impenderit, aut favorem.] Et etiam accipiens est Innocentius III. lib. 2. epist. in editione Coloniæ, ubi lib. 2. fol. 312. Episcopo Abulensi ita scribit: [Ex parte dilectorum filiorum Capituli Abulensis fuit in audiētiā nostra querimonia recitata, quod cū homines tuę diocesis in caſtas, & in ipsa civitate morantes, de tribus partibus frugum totius agriculturę suę molendinorummetiam, & hortorum, & ruricole de quarta parte patochialibus Ecclesiis, a quibus Ecclesiastica percipiunt Sacra menta, decimas solvere teneantur: licet ministri Ecclesiæ ipsarum ferè nullos habeant redditus præter decimas, unde valeant sustentari, domini prædictorum hortorum, & molendinorum ipsa tradunt Saracenis, in grave detrimentum Ecclesiæ, & præjudicium excolenda: qui nolunt Ecclesiis, sicut olim Christiani solebant, freti potentia, & favore illorum, à quibus illis excolenda traduntur, decimas exhibere. Volentes igitur ipsi Ecclesiis, & eatum ministri super hoc prout convenit, providere, fraternitatī tuae per Apostolica scripta mandamus, quatenus nisi Saraceni illi ad commonitionem tuam cum ea integritate, quæ Christiani solebant, prædictas decimas Ecclesiæ voluerint exhibere, eis facias commonitionem à Christianis super mercionis retum venalium, & aliis penitus denegari: Christianos illos, qui talibus contra formam mandati Apostolici communicare præsumperint, à sua præsumptione per censuram ecclesiasticam, appellatione remota, compescens. Datum Later. xxi. Kal. Junii.]

CAPUT